

Turu - Maandëko - Spiritual Warfare Introduction Scriptures

Luka 17:5 Atumami vëgamukhanëa, Müküü, "Ongeeya uhuvëi witu!"
ARumi 10:17 Uvii uhuvëi, gëändëyo gayo unë utegheeya na utegheeya guja
gwa ukhani wamwa Kiristo.

Luka 11:1 Mweeso arë uguomba itumbë rëngëja naarë mweeso wadaha,
umwedu wa asëywi vakwe agahanya kunë, "Müküü, gusëye nasee uromba
mwino chu Yohana waasëye asëywi vakwe."

1 Timoteo 2:1-4 Uvii, mwandyo wa oong'e nene ngufenja marombi a ginenera,
marombi, marombi a urombea antu vangëja nanë ufunya asi étendeke gwa
antu voong'e. 2 Nyenye inoneye murombe gusoko a atëmi nanë antu
voong'e nëvina udaho mu wibali, gusoko gudahe uduva uduvi wa
majëghana na ufoo. Uduvi nëughokie usonge a Muungu na wa ikuryo gwa
njëa yoong'e. 3 Ërëi në rija, na rauyanjisya usonge a Muungu Mutyo i witu, 4
unë ugufenja antu voong'e vëtyowe na ufikëa umanyi wa tutë.

Luka 22:31 "Simioni, Simioni, ona Setani ugumufenja nyenye na uvii mweeso
adahe umufenenta nyenye mwino ngano,

Sakaria 3:1,2 - Yuda 1:9 Ëgweeso itungo në Mikaeli malaëka në müküü
vëgihoma gwa nkhanî itambëämwe na ibilisi, na gikunguma itambëämwe
vinakwe asaa nëëghokee mwëérë wamwa Musa, mweeso inahoraa udaho
woong'e umutanantëya iramwuwa gunto akwe, ëgweeso agahanya,
"Müküü agukenee vee."

VaEfeso 6:12 Gusoko fëta itu sese ti fëta a saghami na nyama, ëgweeso uu
fëta agikuva na maburi a urughu në uvë wa muurëmi wa vinyonyinyonyi,
gugikuva na atemi, aküü nanë anya nguu nëvibalie mu urëmi ürüü wa kiti.

VaEfeso 6:10,11 Mpeoayo, mufwaghëëre gimëka jënjerë fana Müküü na mu
udaho wa nguu yakwe. 11 Ryai mata oong'e, a Muungu, mudahe geambëa
na ntendo në mbë yamwa Ibilisi.

VaEfeso 6:13-17 Gusoko èsëë, ryai mata oong'e a Muungu, mudahe giambëa
vija na mahome a murughu, na nëmwadaha uyatenda oong'e, imëki
jënjerë. 14 Uvii, imëki jënjerë, tutë étendeke mukhova wa mu viëeno
vyanyu, uduvi nëuja nëunoneye utenda isaa ragyambëëra mugëkuva, 15
na nkümbü a utanantya Sayu Njija a majëghana étendeke mwino maatu
mumëghuu anyu. 16 Ukëra asaa oong'e, uhuvëi matiku oong'e utende
mwino ngura mumëkhono anyu, èmufe udaho wa gikita na mëvyë a moto a
murughu uyoo. 17 Kangë uhori utoyi mwino nkütfia anyu a iyuma, na
ukhani wa Muungu mwino mpaanga nëmuufewa na Mwahu Mweru.

VaEburania 4:12 Ukhani wa Muungu uu në ufanga na wina nguu, uu në wëgë

nanguu ukëra mpaanga në njëgë mpaande ivëë. Ugutemaa ino faka fana nkhoo na mwahu yuutang'anaa, faka faafo fana yiutang'anaa nongo ya mwërë na makuta. Ukhani üsüü ugusëmbuyaa nkümbü nanë masëgho a nkhoo ya antu.

Luka 4:8 Na Yesu agamusucha, mweeso "landëkiwe, Veve umukurye Müküü Muungu wako, na mweeso iyenedu umutumëkëe."

VaEfeso 6:18 Gwa iküryo na marombi sa muuromba mu itungo gwa nguu ya Mwahu. Mutaree, mutakhatee sa müükürya gusoko a antu voong'e va Muungu.

1 Samweli 17:45-47 - Daudi & Goliath

Luka 10:17-20 Na vasaa nëve makumi mufungatë na vavëë (aghosya) vëgasuka vina uyanjo ukuu. Vëuhanya, "Müküü, nanë inyonyinyonyi gekutëja sese négwaifa iraghëëyo gwa rina rako!" 18 Yesu agavasucha, "Nene namuona Setani uguugwa mwino ufëto ufuma girunde. 19 Raavi! Nene namufie udaho nachu nyenye mudahite ufanangëa njokha nanë nkumë nanë nguu yoongë ya muurughu na gutie gëntu négëumuvarya nyenye. 20 Ëgweeso mutayanje gusoko inyonyinyoni yumutëja nyenye. Bahu yanji gusoko miina anyu andëkiwe girunde."

2 AKorinto 10:3-5 Gusoko mbesa sese guduva mu urëmi sese gutiutenda fëta gwa njëa a gëuntu. 4 Gusoko mataa a fëta itu ti a mu urëmi ëgweeso ina nguu ya kimungu gwa uruvanga nguu ya murughu. 5 Sese guruvanga mahaa nanë gëdida goong'ë négëufënga umanyi wa Muungu, na guhora mu isëgho rende umukurya Kiristo.

2 Timoteo 1:7 Gusoko Muungu inagufaa sese nkhoo a wova, ëgweeso wagufee sese nkhoo a udaho nanë uyanjo na nkhoo nëëmoomo.

Matayo 12:28,29 Ëgweeso nësa nene nguvijuncha vinyonyinyoni gwa nguu ya Mwahu wa Muungu, uvii, manyi mwino utemi wa Muungu wadahie ufikaa kunë nyee. 29 "Mbesa ugudaha wurë muntu umëfumpa khaya a muntu në wëë nguu na umuhegheya maari akwe nëakëë inamutunga muntu wasuu në wëë nguu tanju? Faafu unë udahite umuhegheya maari akwe.

VaEfeso 1:13 Nyeenoo noo mukhatë a wasuu mwadahie uwutegheeya, ukhani wa tutë, Sayu Njija ya utyoí wanyu, kangë mwadahie umuhuvëaa mweeso, na urighwa motojo wa Mwahu Mweru uyoo në wa iraghano.

Ntendo 19:6 Na Faulo naarë wavaëkëa mëkhono akwe u mëtwe ao, Mwahu Mweru agavasimëa unto ao; na veeso vëgarighëëtya gwa ndëghëëtya në mpya na utanantya sayu a Muungu.

Mariko 16:15-18 Uvii, agavëëra, "Endi muurëmi woong'e mutanantye Sayu Njija gwa mu muntu. 16 Nëwang'uvëa na ubadiswa ugutyoeka. Nëwadëa uhuvëa uguramuiywa. 17 Na ndolyo iyii yutendeka na vasaa nëvëng'uvëe:

gwa rina ranë vëuduya vinyonyinyonyi na vëurëghëtya gwa murëghëtyo nœufya. 18 Nëvakwata njoka mbesa nëvanywa intu gëkaku nérëna sumu, vetiuba intu. Vëuvëka mekhono awe gunto a arue, veeso noo vëufora.”

1 Yohana 1:9 Nësa sese gwinjë ufea mahutye itu usonge a Muungu, mweeso në wa uhuvëwa na wa tutë na winjë uguhegheya mahutye itu na ugutenda sese gwë veru ufuma u mantu në mavë.

Saburi 109:17 - Yakobo 3:10 Nkhani ya ujumi nanë ya ükürya yiuduaa mu moomo rumwe. Vaunaanë, mantu ayaa étinoneye utendeka uvii.

Judges 16:16 - 2 Fetero 2:7,8 Na nësa Muungu agamutyaa Loti muntu nënnaa ughookie, itungo nënnaa uhurusiywe na antu në avë nënnaa vëutendaa ntendo ya ulehadi, 8 (gusoko gwa asaa në muntu nëughookie wayaghune na uyategheeya mwino arë uguduvaas mukhatë awe, mweeso agafya munkhoo akwe itiku gwa itiku gusoko a ntendo yawe në mbë).

VaEfeso 4:26 Mutende mwina ukharë, égweeso mutatendee mahutye, yuva taja rëhaarëe në uvavi wanyu ekëë winamudua.

ARumi 14:12 Gwa uvii, mu muntu mukhatë itu ujie uduya sayu yakwe mughonjo usonge a Muungu.

1 Yohana 2:23 Gutie muntu mba umwe nëugumukhana Mwana nëugutenda wina ukhuvëi vina Tata. Wasuu unë ugumukumwua Mwana wina ukhuvëi vina Tata noo.

Yohana 14:6 Yesu agamwëëra, “Nene në njëa, nanë tutë, nanë ufanga. Gutie muntu nëujie kunë Tata, égweeso ukërëa kunë nene.

Matayo 11:28-30 “Njii kunë nee nyoong'e nëmuukhasëkaa na uremechwa na mërigho nee ngumutuyisya. 29 Yarë iyoki ranë mwiséye kunë nee, gusoko nee nëmufoo na mwinyumpi wa nkho, nyee mufefeheeywa munkhoo yanyu. 30 Gusoko iyoki në nee ngumufa unë rëtere, na murigho wanë unë ufüfu.”

2 AKorinto 6:2 Gusoko Muungu mweeso uguhanya, “Gwa itungo nérënoneye nene ngamusucha nyenye marombi anyu, naarë itiku rafika ra nene umutyoa nyenye, nene ngamwarëëya nyenye.” Rarava, itungwee në itungo nérënoneye; rarava, itungwee në itiku ra utyo.

ARumi 10:13 Gusoko, “Mu wasuu nëuguomba gwa rina ra Müküü ugutyoeka.”

Exodus 20:5 - sin cursed to 3 & 4 generations